



Posbus 7113, Newtonpark, 6055
Telefoon (041) 3651233
Faks (041) 3652586
h/v Willetstraat en 4de Laan, Newtonpark, 6045

'n Blink toekoms begin hier!

NUUSBRIEF 34

15 OKTOBER 2021

UIT DIE KANTOOR

Goeie dag Ouers

VIERDE KWARTAAL

Welkom terug vir hierdie laaste kwartaal van 2021. Ons glo dat elke leerling tydens die afgelope vakansie goed uitgerus het. Sterkte met hierdie kort, dog besige 4de kwartaal en onthou om julle beste op akademiesegebied te gee.

GELUKWENSING

Ons wil Mev. Henwick baie gelukwens met haar aanstelling as departementshoof by ons skool. Baie sterkte met die nuwe uitdaging, ons weet u sal dit met ywer aanpak.

NUWE VOERTUIG

Die skool het 'n bakkie as werksvoertuig aangekoop, want ons bussies verniel te veel as hulle gebruik word om goed te vervoer.

RAPPORTE EN OUERBESOEKE

U het reeds 'n brief waarop u moes aandui hoe laat u die klasonderwyser/es, Maandag, 18 Oktober wil sien, ontvang. Die bevestigings van die tye vir die afspraak is reeds aan u teruggestuur. Onthou asseblief om die belangrike geleentheid by te woon.

Van u het die brief saam met die rapport ontvang om die onderwysers te kom sien. Dit is van uiterste belang dat u van die geleentheid gebruik maak om probleemareas met betrokke onderwyser aan te spreek. Enige ander ouer is meer as welkom om ons te kom spreek as daar iets is wat pla of as u sommer net vir die personeel vir hulle harde werk wil dankie sê.

KWARTAALPROGRAM

Die kwartaal se datumlys is op die skool se kommunikeerder geplaas. Daar is veranderinge aangebring op die een wat aanvanklik geplaas was. Bestudeer dit asseblief deeglik en maak seker dat u kind niks misloop nie.

ADVERTENSIES

Ons wil graag vir u as ouers die geleentheid bied om in ons huiswerkboek van 2022, te adverteer. U ontwerp die advertensie, in JPEG of PDF en e-pos dit na admin@lnpark.co.za.

Die koste is as volg: (In kleur)

A4: R1000 - volblad

A5: R500 – halfblad

Die sluitingsdatum vir die advertensies is Vrydag, 29 Oktober 2021.

SKENKING VAN LEESBOEKE : SOUTHSURE BROKERS

Nick Bands en Debbie Jordaan van Southsure Brokers het vanoggend 'n skenking van Engelse leesboekies vir die hele grondslagfase aan ons oorhandig. Ons wil net graag ons waardering aan hulle uitspreek, aangesien hierdie boekies baie handig in ons klasse gebruik gaan word.



2022-BEGROTINGSVERGADERING: 28 OKTOBER 2021

Ons herinner u aan die 2022-begrotingsvergadering wat op Donderdag, 28 Oktober 2021 om 17:00 in die skoolsaal gehou sal word. (Kennisgewing van begrotingsvergadering was reeds Vrydag, 1 Oktober 2021 op D6, gelaai.)

Tydens hierdie ouervergadering sal die voorgestelde begroting vir 2022 aan u voorgelê word vir oorweging en goedkeuring, met of sonder wysiging.

Enige ouer of wettige voog van leerlinge in die skool het die reg om die vergadering by te woon. Die begrotingsdokumente is reeds vanaf Donderdag, 14 Oktober 2021, by die kantoor ter insae beskikbaar.

KLEREWINKEL : BESTELLINGS VIR 2022

Ons herinner **graad R-ouers** wat bestellings vir klere vir 2022 wil plaas om dit so spoedig as moontlik te doen, sodat die verskaffers dit so gou moontlik kan maak. Die pryslyste is op D6 onder "Bronne" gevolg deur "klerewinkel", beskikbaar. U sal merk dat u die bestelling vir u gerief per e-pos na: klere@lnpark.co.za kan stuur. Indien u enige navrae het, kan u gerus die dames by die klerewinkel op die onderstaande tye skakel:

Maandae + Vrydae : **07:30 – 12:00**

Woensdae : **12:00 – 14:30**

KLEREWINKEL : MASKERS TE KOOP

Graag wil ons u ook inlig dat die klerewinkel voortaan materiaalmaskers met die skool se wapen op, teen R30 sal verkoop. Bestellings kan per e-pos na: klere@lnpark.co.za gestuur word indien u sou belangstel.



TOELATING 2022: GRAAD 2 – 7

Op Dinsdag, 31 Augustus 2021 is daar 'n brief aan elke ouer in verband met bogenoemde gestuur. Die personeelvoorsiening van Laerskool Newtonpark is afhanklik van ons jaarlikse inskrywings.

Ons versoek u om asb. die skeurstrokie onderaan daardie brief te voltooi en onverwyld saam met R800 reserveringsfooi (per kind) te betaal om sodoende te verseker dat u kind(ers) 'n plek het.

Betaling, slegs EFT. E-pos asseblief bewys van betaling na fin@lnpark.co.za met verwysing: u kind se van en naam en 2022RES.

Bankbesonderhede: Laerskool Newtonpark, ABSA takkode 632005, rekeningnommer 1400490089, verwysing: u kind se van en naam en 2022RES.

Die bedrag is voor/op 4 Oktober 2021, betaalbaar. Hierdie bedrag is nie-terugbetaalbaar en sal dien as deel van die eerste betaling op u kind(ers) se skoolgelde vir 2022. Sodra die betaling ontvang word, sal u kind(ers) se inskrywing as afgehandel beskou word.

SKOOLKOMMUNIKEERDER

Ons herinner u dat hierdie elektroniese program **ons hoofmedium van kommunikasie met u is.**

Om die program gratis op u rekenaar af te laai, moet u net D6 by die Google soekfunksie intik, en die "D6 School Communicator" kan dan afgelaai word. Hierdie program verskyn elke oggend op u rekenaar se skerm en u kan dan sien watter boodskappe uitgestuur is en ook wat op die kalender gaan plaasvind.

Die program sal ook gebruik word om dringende boodskappe aan u te stuur. In so 'n geval verskyn daar onmiddellik 'n kennisgewing op u skerm. Die program kan bestuur word sodat u slegs inligting ontvang wat op u van toepassing is.

Die kommunikeerder kan as 'n toepassing op u androidfoon afgelaai word. Dit werk baie goed en boodskappe en inligting van die skool is dan altyd byderhand.

SKOOLGELDE 2021

Baie dankie aan al die ouers wat so gereeld hul skoolgelde betaal. Ek wil tog 'n vriendelike beroep doen op diegene wat agterstallig is, om die verpligting wat u kind se skoolgelde betref na te kom. Die skool is verantwoordelik vir sy eie rekeninge, want ons kry **minimale** hulp van die staat. Indien daar nie deur ouers gereageer word deur hul skoolgelde te betaal nie, sal die beheerliggaam genoodsaak wees om verdere stappe te neem. Die betaling van skoolgelde is 'n wetlike verpligting (Staatskoerant no. 29311). Indien u in gebreke bly om u skoolgelde te betaal, sal dit wetlik afgedwing word.

Die volgende wyses van betaling is beskikbaar: maandelikse debietorder oor 10 of 11 maande. (Januarie/Februarie – November en is opbetaalbaar voor/op 30 November 2021. 'n Debietorder kan slegs op 'n tjek-/spaar-/transmissierekening ingestel word.) U mag ook die skoolgelde EFT. Indien u kontant wil betaal kan u by Mev. Laas of verkieslik direk in ons bankrekening betaal. Op die verwysing van die inbetaling moet u asseblief die rekeningnommer en u kind se van en naam verskaf, en u bewys van betaling aan fin@lnpark.co.za e-pos.

Alle graad R-gelde is maandeliks vooruitbetaalbaar en nasorggelde is kwartaalliks streng vooruitbetaalbaar. Geen verligting word ten opsigte van hierdie dienste toegestaan nie, aangesien hierdie aktiwiteite deel van die skool se vrywillige program is.

ELEKTRONIESE BETALINGS

REKENINGNAAM	LAERSKOOL NEWTONPARK
BANK	ABSA
REKENINGNOMMER	1400490089
TAKKODE	632005

GEDAGTE VIR DIE WEEK



Geniet die naweek saam met jul gesinne.

SKOOLHOOF

E-pos: skoolhoof@lnpark.co.za

Tel : 0846935318

ALGEMEEN

BELANGRIKE DATUMS VIR VOLGENDE WEEK:

Die volgende datums moet u asseblief op u kalender aanteken:

Ma – 18 Oktober	:	Klerewinkel 07:30-12:00 OUERAAND 14:45 – 18:30
Di – 19 Oktober	:	Didaktiese klasse begin
Wo – 20 Oktober	:	Klerewinkel 12:00-14:30
Do – 21 Oktober	:	UNISA Teorie Gr. 1
Vr – 22 Oktober	:	Klerewinkel 07:30-12:00 Skoolkamp – Willows
Sa – 22 Oktober	:	Skoolkamp – Willows
So – 23 Oktober	:	Skoolkamp – Willows

SPORT & KULTUUR

SA GIMNASTIEKKOMPETISIE EN ATLETIEKBYEENKOMS

Nina Rossouw in graad 4S het die vakansie die OP verteenwoordig by die SA Gimnastiek byeenkoms in Pretoria. Sy neem deel op vlak 4 : O/11. Sy vaar baie goed en verbeter haar vorige punte in al drie haar roetines.

Sy het ook deelgeneem aan haar eerste atletiekbyeenkoms vir ACT atletiekklub. Sy het in die O/11 afdeling deelgeneem. Sy het 2de gekom in die 150m en onderskeidelik 3de in 80m en 100m. Baie geluk, Nina!

